




巴縣志

全函  
十七卷

ル 5  
1503  
3





1503  
3

1503  
3

巴縣志卷之四 學校

邑令王爾鑑熊峰纂修

邑人周開豐梅厓校閱



學校志

廟制

府學

在治西宋紹興間建明洪武四年重修宣德景泰弘治嘉靖間繼修明末圯康熙三年總督季

國英重修二十三年知縣焦映漢三十八年知縣陳堯智五十五年知縣譚懋學雍正九年知縣朱

介圭俱重修乾隆十九年川東道宋邦綏知府等顯率重屬十三州縣重修

泮池 週八十二丈濶二十四丈六尺深五尺水自北出香水橋日久居民侵佔乾隆十五年知縣張

巴縣志 卷之四 廟制



兌和廓清池址十六年知縣王爾鑑率紳士捐砌石欄池內種荷舊制維新

**靈星門** 靈星星各從木從品者誤東養正門西連茹門養正門左亭一前明解元碑連茹門右亭

一前明進士碑俱萬曆元年知府張希召立

**鄉賢祠** 三間靈星門內毗左

**名宦祠** 三間靈星門內毗右

**大成門** 七間東居仁門西由義門居仁門外有樂器碑及知府馬世藻重修碑門內有知府陳邦

器斯文重地碑川東道宋邦綏等捐修碑由義門外有學田碑禮部欽頒卧碑門內有蘇碑曹泐修

碑學

**東西廡** 各七間西廡廊下嶺泉石坊康熙丁亥年立兩廡俱乾隆元年重修

**大成殿** 五間殿前碑亭二左碑鐫孔子贊右碑鐫顏曾思孟四子贊俱康熙三十五

年奉勅立

**崇聖祠** 三間在大成殿後康熙二十七年知府王俟重建塔下有雁塔二高二丈有奇左鐫前明

科第題名右鐫前明鄉宦履歷東西古碑五字磨滅

**明倫堂** 五間在大成殿左雍正十一年知府顧贊知縣沈天成重修

**尊經閣** 三間在崇聖祠後

**魁星閣** 楹檻三層規制峻麗在泮池左考府學前後舊有尊經魁星二閣年久僅存遺址雍正

甲辰知府張光麟率重屬州縣捐修有碑

**學署** 在魁星閣右大門一座二門一座教授齋房三間齋廚三間訓導齋房三間左右廂房二間書



房三間屏門一開

學基

文廟左牆外舊有隙地橫三丈長四十五丈右

橫四丈二尺長二十五丈二尺乾隆十九年為朱胡二姓侵估諸生具控清理知府傅顯勘斷歸學

二十一年知縣王爾鑑勒限拆遷紳士勒石於靈星門內

學田

在城西五里地名王家園直里一甲冊各在縣康熙四十九年知縣孔毓忠詳撥朝天驛官莊

土田八十七畝六分中田七十三畝下田一百三十畝四分中地一十三畝七分五釐下地一十一

畝二分五釐共徵條糧一兩七錢八分七釐四毫歲收租米銀七兩六錢五分

縣學

在治東宋紹興開建明萬曆二十九

泮池

舊有漏月池古以大江為泮池學前塵市蔽翳乾隆初紳七龍為霖韓帝簡張宗蔚捐買俯通

大江天然泮池甲於全川

靈星門

與府文廟制同連茹門右有雙墩元碑明知府黃鳳翔為宋馮時行蒲國寶立

鄉賢祠

三間在靈星門內左

名宦祠

三間在靈星門內右

忠孝祠

三間在鄉賢祠左

大成門

六間東西二門外有文武官廳二間知府陳邦器文治光華碑左右古碑四字久沒乾隆

三十年紳士公立知府傅顯知縣王爾鑑勘復學地碑一

東西廡

各五間康熙二十四年建

大成殿

三間殿東西古碑二字剝落



崇聖祠

在明倫堂後碑載康熙四十九年典史胡標捐修祠前舊有還淳碑今亡祠內有至聖

燕居像查明嘉靖九年從張璉議罷封爵製用木主塑像悉屏各省廟制皆同今巴縣學宮燕居

像猶存詢之耆舊稱前明易主時以像係制範未敢毀熟故相沿至今舊有御書樓元文公萬里歸

程四字匾明末毀於兵

明倫堂

在大成殿後乾隆二十三年知縣王爾鑑教諭安敏道掘射圃得前明弘治十四年知府

屈直德知縣周仁所立貢舉碑一通自洪武十七年至弘治十三年一百四十七人正統四年編修

豐城孫貞記入藝文

學署

有教諭署在漏月池左重門內東向明倫堂右舊有齋房三間齋厨三間乾隆二十年教諭安敏

道捐修門一座齋堂三間齋房三間訓導齋房一間在明倫堂左

學基

長五十餘丈寬十丈有奇

學田

在城西佛圖關外直里一甲歇臺子大井灣冊名縣學明萬曆二十九年川東道張文耀知府

傳光宅捐置兵燹荒蕪康熙二十六年知縣李錦勘復舊田酌定歲租穀九石三斗九升六合折租

銀三兩七錢五分八釐四毫八絲原係地方官收解康熙五十七年始歸教官收租雍正七年丈十

中下田共一百九十三畝二分七釐九毫一絲應徵條糧七分八釐二毫五絲載種一石四斗其收

租銀七兩府縣兩學租銀除納條糧外餘銀存作修補墻垣及諸生考課茶食等費



示廟號大知至聖文宣王

至聖先師孔子

漢高帝詔祀孔子以太牢諸侯王卿相至郡先謁廟

宋後從政更廟立碑十六

平帝稱成宣尼父

和帝封褒尊侯

魏文帝稱文聖尼父

北魏獻文帝詔郡縣立學與周公竝享

後周宣帝封鄒國公



隋文帝稱宣師尼父上丁釋奠

唐高祖詔立專廟贈太師

太宗諡文宣王詔天下州縣皆立專廟塑像出內

庭衣袞冕正南面

玄宗諡文宣王

宋太宗詔文廟立戟十六

真宗諡立聖又改至聖文宣王

徽宗增門戟二十四

元武宗號大成至聖文宣王

明世宗嘉靖更號曰至聖先師孔子用木主

按明史嘉靖九年

禮部議曰人以聖人為至聖人以孔子為至聖真宗稱孔子為至聖其義已備今宜去王號及大

成文宣之稱至聖先師孔子稱廟不宜稱殿其四配稱復聖宗聖述聖亞聖十哲以下及門弟子皆

稱先賢某子左邱明以下皆稱先儒某子一切公侯伯不宜復稱以混成周封爵之制章服之加起

於塑像今宜遵國子監規制製木主擬定大小尺寸著為定式塑像即令屏撤以別釋氏之教疏入

報可

皇清順治二年定諡為大成至聖文宣先師孔子十四

年改諡為至聖先師孔子

康熙二十三年



欽頒

御書萬世師表匾額

康熙三十五年

欽頒

御製孔子贊顏曾思孟四子贊立碑

孔子贊

并序

蓋自三才建而天地不居其功一中傳而聖人代  
宜其蘊有行道之聖得位以綏猷有明道之聖立  
言以垂憲此正學所以常明而人心所以不泯也

粵稽往緒仰邇前徽堯舜禹湯文武達而在上兼  
君師之寄行道之聖人也孔子不得位窮而在下  
秉刪述之權明道之聖人也行道者勲業炳於一  
朝明道者教思周於百世堯舜文武之後不有孔  
子則學術終淆仁義湮塞斯道之失傳也久矣後  
之人而欲探二帝三王之心法以爲治國平天下  
之準其奚所取衷焉然則孔子之爲萬古一人也  
審矣朕巡省東國謁祀闕里景企滋深敬摛筆而  
爲之贊曰



清濁有氣剛柔有質聖人參之人極以立行著習  
察舍道莫由惟皇建極惟后綏猷作君作師垂統  
萬古曰惟堯舜禹湯文武五百餘歲至聖挺生聲  
金振玉集厥大成序書刪詩定禮正樂既窮象繫  
亦嚴筆削上紹往緒下示來型道不終晦秩然大  
經百家紛紜殊途異趣日月無踰羹墻可晤孔子  
之道惟中與庸此心此理千聖所同孔子之德仁  
義中正秉彝之好根本天性庶幾夙夜勗哉令圖  
溯源洙泗景躅唐虞載歷延除視觀禮器擗毫仰

贊心焉遐企百世而上以聖爲歸百世而下以聖  
爲師非師夫子惟師於道統天御世惟道爲寶泰  
山巖巖東海泱泱墻高萬仞夫子之堂孰窺其藩  
孰窺其徑道不遠人克念作聖

顏子贊

聖道早聞天資獨粹約禮博文不遷不貳一善服  
膺萬德來萃能化而齊其樂一致禮樂四代治法  
兼備用舍行藏王佐之器

曾子贊



洙泗之傳魯以得之一貫曰唯聖學在茲明德新  
民止善為期格致誠正均平以推至德要道百行  
所基纂成統緒修明訓辭

子思子贊

於穆天命道之大原靜養動察庸德庸言以育萬  
物以贊乾坤九經三重大法是存篤恭慎獨成德  
之門卷之藏密擴之無垠

孟子贊

哲人既萎楊墨昌熾子輿闢之曰仁曰義性善獨

聞知言養氣道稱堯舜學屏功利煌煌七篇竝垂  
六藝孔學攸傳禹功作配

雍正四年

欽頒

御書生民未有匾額

乾隆三年

欽頒

御書與天地參匾額

木主

明嘉靖九年定制高二尺三寸七分闊四寸厚  
七分座高四寸長七寸厚三寸四分朱地金書



四配主高一尺五寸濶三寸二分赤地墨書故聖  
主同四配十哲兩廡高一尺四寸濶二寸六分厚  
五分座高二寸六分長  
四寸厚二寸赤地墨書

位正中南面

按孔子南面始于唐開元二十八年  
既南面獻官自應北面宋濂拘漢宣帝

西面再拜及開元禮獻官西向之說謂  
北面非神道尙右之義今仍北面爲正

東配二位

復聖顏子

名回字子淵  
魯人邾國後

述聖子思子

名伋字  
子思

西配二位

宗聖曾子

名參字子輿魯  
武城人郕國後

亞聖孟子

名軻字子輿鄒人  
魯公族孟孫氏後

按四子俱配始宋元豐咸淳坐廟堂兩楹間

東哲六位

先賢閔子

名損字子  
騫魯人

先賢冉子

名雍字仲弓魯  
人伯牛之族

先賢端木子

名賜字子貢衛人初爲  
信陽宰後嘗相魯衛

先賢仲子

名由字子路魯之卞  
人仕魯爲蒲大夫

先賢卜子

名商字子夏衛人  
仕魯爲莒父宰

先賢有子

史記字子若家語字子有魯人舊在東廡  
七位乾隆三年從徐元夢請升殿內東旁



卜于下移朱子熹於西旁顓孫子下

西哲六位

先賢冉子 名耕字伯牛魯人為中都宰

先賢宰子 名子字子我魯人仕齊為臨淄大夫

先賢冉子 名求字子有仲弓之族為季氏宰

先賢言子 名偃字子游吳人仕魯為武城宰

先賢顓孫子 名師字子張

先賢朱子 名熹字元晦號晦庵婺源人諡文康熙五十一年升

按十哲升配始唐開元坐廟堂兩壁開朱子向列

東哲今升有子於東哲朱子應列西哲第六位東

向 秦簡

東廡先賢三十八位 先賢先儒位次闕里志所載及順天直省府州縣衛各學

俱照時代為位次

先賢蘧瑗 字伯玉明以孔子嚴敬改祀今以孔子大聖食於堂上瑗大賢坐於兩廡亦理之所

安復祀

先賢澹臺滅明 字子羽魯人武城人

先賢原憲 字子思魯人檀弓作仲憲為夫子宰

先賢南宮适 字子容一作縉魯子孟懿子之兄居南宮因姓諡敬叔



先賢商瞿 字子木 魯人

先賢漆雕開 字子若 一作憑 字子開 蔡人 鄭玄曰魯人

先賢司馬耕 字伯牛 宋人家語 作司馬 黎耕與史記俱 字子牛

先賢巫馬施 字子旗 爲單父宰 史記

先賢顏幸 字子柳 魯人 史記 作顏幸

先賢曹卹 字子循 蔡人

先賢公孫龍 家語 作公孫寵 衛人 鄭玄云 楚人 孟云 趙人 字子石

先賢秦商 字子丕 家語 字丕 茲 魯人 鄭玄云 楚人

先賢顏高 字子驕 家語 作顏刻 魯人

先賢穰駟赤 家語 字子從 秦人 史記 穰作壤 字子徒

先賢石作蜀 字子明 家語 作石子 蜀秦人

先賢公夏首 字子乘 家語 首 作守 字乘 魯人

先賢后處 史記 字子里 家語 作石處 字堅 之齊人

先賢奚容蒧 家語 字子偕 史記 子哲 文翁 圖魯人 正義 衛人 氏族 大全 奚仲 之後

先賢顏祖 字襄 家語 名相 又 祖 字子襄 魯人

先賢句井疆 字子疆 史記 作句井 正義 作句井 衛人 闕里 志 字子野 山東 志 字子孟

先賢秦祖 字子南 魯人 鄭玄云 秦人

先賢縣成 字子祺 家語 字子橫 魯人



先賢句茲 家語作公祖茲  
字子之魯人

先賢燕級 字思家語名級字子  
思史記作級秦人

先賢樂欬 史記字子聲家  
語名欣秦人

先賢狄黑 家語字皙之一作子  
皙史記字皙衛人

先賢孔忠 字子茂家語作孔弗史  
記作孔子兄孟皮之子

先賢公西蒧 字子尚史記  
作子上魯人

先賢顏之僕 家語字子叔史  
記字叔魯人

先賢施之常 字子常史記  
字子恒魯人

先賢申枨 家語申績字子周史記作申黨字周文翁  
圖作堂後漢碑作棠鄭立云卽申績績黨

堂棠皆  
一人也

先賢左邱明 中都人授經圖曰魯  
人楚左史倚相之後

先賢秦冉 字開蔡人明疑史記誤書罷祀今以史記  
列傳既著其姓復標其字是必實有其人

復祀  
公羊高

先賢牧皮 孟子趙岐注牧皮與琴張曾皙皆事  
孔子牧皮爲聖門高弟無疑增祀

先賢公都子 孟子弟子研性善之  
理闢義外之說增祀

先賢公孫丑 孟子弟子趙岐注孟子既沒萬章公孫  
丑記其所言有功於孔孟之道增祀

先賢張載 字子厚居郿縣之橫  
渠稱橫渠先生謚明

先賢程頤 字正叔稱伊  
川先生謚正



按東廡先賢舊有顏何孔穎達以字畫相似改曾  
點孔鯉入啟聖祠雍正二年顏何復祠改入西廡  
遷瑗秦冉復祀自西廡改入牧皮公都子公孫孔  
增祀

東廡先儒二十四位

先儒公羊高 齊人生 周末

先儒孔安國 字子國孔子十一世孫生漢武帝時

先儒毛萇 趙人善說詩世謂毛亨為大毛公萇為小毛公生漢武帝時

先儒高堂生 索隱字伯魯人生漢初

先儒鄭玄 字康成東漢高密人詩經論禮百餘萬言括囊大典網羅百家出處進退衷於道復

先儒諸葛亮 蜀漢瑯琊人居心仁恕開誠布公知出處大節明君臣大義純乎天理合乎

道增祀

先儒王通 字仲淹隋龍門人諡曰文中子

先儒司馬光 字君實宋夏縣人封溫國公諡文正

先儒歐陽修 字永叔宋廬陵人諡文忠

先儒胡安國 字康侯宋崇安人諡文定

先儒尹焞 字彥明宋涪陽人伊川弟子學窮根本德備中和質直弘毅著論語解賜和靖處士



增祀

先儒呂祖謙

字伯恭其先萊人遷婺州諡成改忠亮墓題東萊先生

先儒蔡沈

字仲默宋建陽人隱居九峰山世號九峰先生諡文正

先儒陸九淵

字子靜宋金谿人學者稱象山先生諡文安

先儒陳淳

字安卿號北溪宋龍溪人朱子嘗云吾道喜得陳淳增祀

先儒魏了翁

字華甫宋邛州人當南宋邪說簧鼓能維持正學著九經等書於聖道大有發

明增祀

先儒王柏

號魯齋宋金華人何基弟子黜校四書經史推明河洛九疇著經書衍義闡發濂洛

淵源增祀

先儒吳澄

字幼清號草廬崇仁人嘉靖九年以志事元黜今考澄著述五經四子各有詮

多發明乾隆二年從尚書甘汝來請復祀

先儒許衡

字仲平元河內人學者稱魯齋先生諡文正

先儒許謙

號白雲先生金履祥弟子讀書窮探深微其詩文扶翼經義綱維世教著四書叢說

等書增祀

先儒王守仁

字伯安明餘姚人讀書陽明洞封新建伯諡文成世稱陽明先生

先儒薛瑄

字德溫明河津人學者稱敬軒先生諡文清

先儒羅欽順

字允昇明太和人以實行教士著困知記周程緒言至今不墜皆其力也增祀

先儒陸隴其

字稼書本朝平湖人力任斯道精研程朱之學端方孝友以德化民增祀



西廡先賢三十九位

先賢林放

魯人明以家語不在弟子列改祀今以問禮之本親炙聖人休光即非弟子亦理所

安復祀

先賢宓不齊

字子賤魯人為單父宰

先賢公冶長

字子長家語作萇魯人史記齊人范甯云字子芝

先賢公析哀

字季沉齊人史記作公哲哀字季次索隱作公析克

先賢高柴

字子羔家語齊人史記衛人仕衛為士師

先賢樊須

字子遲仕於季氏家語魯人鄭玄云齊人

先賢商澤

家語字子季魯人史記作子季魯人

先賢梁鱣

字子魚史記注作鱣字叔魚齊人

先賢冉孺

字子魯一作曾家語魯人史記作冉孺字子魚魯人

先賢伯虔

家語字楷一作子析弟子解作子楷史記作子析魯人

先賢冉季

字子產魯人

先賢漆雕徒父

字子有有家語作漆雕從字子文一作子期魯人

先賢漆雕哆

字子斂家語作漆雕侈魯人

先賢公西赤

字子華魯人

先賢任不齊

字子選楚人

先賢公良孺

家語名儒史記名孺字子正一作子勿陳人



先賢公肩定 家語字子仲史記作公堅定字子中魯人或曰晉人

先賢鄒單 史記有鄒單字子象無鄒單疑作一人徐廣作鄒善

先賢罕父黑 史記字子黑魯人氏族畧亦止有宰父黑字索一

先賢榮旂 史記字子旗家語作榮旂魯人

先賢左人郢 史記字子行家語作左郢字子行魯人

先賢鄭國 家語作薛邦字徒魯人史記避漢高祖諱以邦為國鄭字疑薛字之誤

先賢原亢 字子亢家語作元亢字子籍史記作原亢字籍正義亢作亢魯人

先賢廉潔 史記字庸家語字子庸一作子曹衛人古史作齊人

先賢叔仲會 字子期文翁圖作會家語魯人鄭立云晉人

先賢公西輿 如字子西魯人史記作公西輿

先賢邾莒 家語作邾邾字子飲史記訛邾為邾字子斂文翁圖避諱以邾為國作國選魯人

先賢陳亢 字子亢一字子禽陳人

先賢琴張 一名牢家語字子開文翁圖字子張衛人

先賢步叔乘 字子車齊人

先賢秦非 字子之魯人

先賢顏噲 字子聲魯人

先賢顏何 字冉魯人明以家語不載罷祀今以家訓及顏高贊俱稱顏氏八賢去何止七人矣

復祀



先賢縣直明以史記不載又疑與鄒單是一人罷祀今以當時原無確據仍為二人復祀

先賢樂正克孟子弟子也其為人也好善當在弟子之列增祀

先賢萬章孟子弟子史記稱孟子所如不合退與萬章之徒序詩書述仲尼之意增祀

先賢周敦頤字茂叔世居道州營道縣濂溪學者稱濂溪先生諡元

先賢程顥字伯淳宋河南洛陽人文彥博題其墓曰明道先生諡純

先賢邵雍字堯夫宋范陽人諡康節

按西廡先賢舊有秦冉孔穎達以字畫相似謂蘧

瑗林放非弟子改祀於鄉顏無繇改入啟聖祠申

黨即申棖以重出削雍正二年秦冉蘧瑗復祀改

入東廡縣直復祀顏何自東廡改入復祀樂正克

萬章增祀

西廡先儒二十三位

先儒穀梁赤尸子作倣顏師古作喜字元始魯人生周末

先儒伏勝字子賤鄒平人生秦漢閒習書秦焚書時獨壁閒藏之

先儒后蒼字近君漢東海剡人修明禮經嘉靖時考求古禮以為定禮之宗從祀

先儒董仲舒廣川人武帝時以賢良對策

先儒杜子春河南緱氏人漢哀平閒生

先儒范甯字武子晉鄆陵人南昌太守與學造士著春秋穀梁集解詞意精詳有功聖道復祀



先儒韓愈 字退之唐修武人封昌黎伯諡文

先儒范仲淹 字希文宋吳縣人封汝南公諡文正

先儒胡瑗 字翼之宋海陵人為湖州教授又召為國學直講學者稱安定先生諡文昭

先儒楊時 字中立宋將樂人學者稱龜山先生

先儒羅從彥 字仲素宋南劍州人學者稱豫章先生諡文質

先儒李侗 字愿中宋延平人朱子受其河洛之業為述延平問答稱延平先生諡文靖

先儒張栻 字敬夫宋綿竹人忠獻公浚之子號南軒先生諡宣

先儒黃幹 字真卿號勉齋宋閩人朱子壻授以所著書曰吾道託在此金華四子遞衍其傳正

學類以不絕

先儒真德秀 字景元一字希元宋浦城人寶元進士累官戶部尚書參知政事稱西山先生

諡文忠

先儒何基 宋金華人黃幹弟子得淵源之旨學本真實所著學庸解釋書大傳易啟蒙皆以發

揮為主

先儒趙復 元初名儒德安人所著傳道圖伊洛圖希賢錄北方知有程朱學實自復始

先儒金履祥 字吉夫號仁山元蘭溪人何基弟子著大學章句疏義論孟集註多先儒未發

之義增祀

先儒陳澹 字可大元南康人博學好古所著禮記集註明列其書於學宮士子遵奉稱雲柱先

生增祀



先儒陳獻章 字公甫明新會人隱白沙學者稱白沙先生

先儒胡居仁 字淑心明餘干人稱敬齋先生

先儒蔡清 字介夫號虛齋明晉江人學以靜虛為主

書蒙引行世增祀

先儒湯斌 號潛菴國朝河南睢州人歷工部尚書潛心理學有功聖道乾隆元年增祀

按從祀諸儒明嘉靖九年釐正祀典以後隆慶五

年進薛瑄萬曆十二年進王守仁陳獻章胡居仁

三十九年增宋儒羅從彥李侗康熙五十五年升

周敦頤程顥程頤張載朱熹邵雍為先賢又升朱

子於十哲之次以范仲淹從祀雍正二年鄭玄范

甯復祀諸葛亮尹焞魏了翁黃幹陳淳何基王相

趙復金履祥許謙陳澔羅欽順蔡清陸隴其十九

人增祀乾隆二年以尚書甘汝來奏復祀吳澄于

東廡

改祀於鄉三人 明嘉靖九年改

鄭眾 字仲師東漢開封人 盧植 字子幹東漢涿郡人

服虔 字子慎東漢滎陽人

罷祀十一人 明洪武三年嘉靖九年二次罷



公伯寮

字子周魯人

荀况

字卿周末趙人

揚雄

字子雲成都人

戴聖

字次君漢梁人

劉向

字子政漢宗室以誦神仙方術黜

賈逵

字景伯東漢扶風人以附會圖議出

馬融

字季長京漢扶風人以貪鄙附勢黜

何休

字邵公東漢人以書黜

王肅

字子雍魏剡人以黨可馬篡魏黜

王弼

字輔嗣魏山陽人以旨宗老莊黜

杜預

字元凱晉杜陵人以黨貴建短喪黜

崇聖祠正面五位

肇聖王孔氏

自宋遷魯始姓孔

裕聖王孔氏

詒聖王孔氏

昌聖王孔氏

啟聖王孔氏

仕魯為陬邑大夫晚娶顏氏聖母禱尼邱山誕生至聖

按叔梁紇進公而王始宋大中祥符間啟聖公稱

始元宋時顏曾子思配享堂上顏路曾皙伯魚從

祀兩廡洪邁姚燧以為崇子抑父熊禾謂宜別設

一室祀叔梁紇而以三子配程敏政主其說嘉靖

九年遂祠徧天下雍正二年詔封五代俱用聖諱

東西配享四位



先賢顏氏

各無絲字路家語顏絲字季路顏子回之父

先賢曾氏

各點字哲家語字子皙史記作曾歲曾子參之父

先賢孔氏

各鯉字伯魚子思子伋之父

先賢孟氏

各激公宜魯公族孟子軻之父

東西從祀五位

先儒周氏

各輔成周子敦頤之父

先儒程氏

各珦字伯溫贈永年伯二程子顥頤之父

先儒蔡氏

各元定字季通隱居西山諡文節世稱西山先生蔡子沈之父

先儒張氏

各廸宋神宗時出知涪州立身端潔居官廉直貧不能歸葬於郿張子載之父增祀

先儒朱氏

各松字喬年歷吏部司勳郎出知饒州至元追諡靖獻朱子熹之父

府名宦祠

漢巴郡太守王堂

詳治績

巴郡太守吳資

詳治績

巴郡太守但望

詳治績

巴郡太守趙溫

詳治績

運使龐恭孫

建堡寨今無考

巴郡太守張訥

詳治績

蜀漢江州都督李嚴

詳治績



巴郡太守杜安

詳治績原誤作根乾隆二十年知縣王爾鑑修志更正

晉巴郡太守王濬

詳治績

隋渝州長史蕭瓘

詳治績

唐渝州刺史田洄

詳治績

渝州刺史柳玘

按唐書本傳載玘瀘州刺史卒於瀘并無刺渝之說或以墓在合州

誤入侯考

涪陵刺史張濟

未詳

馬植

按唐書植字存之第進士由壽州團練副使遷安南都護徙黔中觀察使再遷刑部侍郎

領諸道鹽鐵轉運使崇祀義未詳

宋安撫制置使兼知重慶府余玠

詳治績

重慶府司法叅軍曹幽

詳治績

攝南平軍事石恕

詳治績

明重慶府知府潘賢

詳治績

靖亂巡撫四川陳隣

未詳

知府任毅

詳治績

知府姚善

詳治績

知府邢寬

詳治績

知府胡靖

詳治績



知府孫日良 詳治績

知府李庸 詳治績

知府毛泰 詳治績

知府董樸 詳治績

知府屈直德 詳治績 原作屈直誤

推官方悅 詳治績

知府劉繪 詳治績

知府程學博 詳治績

知府王世琦 詳治績

知府傅光宅 詳治績

推官王三策 詳治績

推官高折枝 詳治績

皇清總督李國英 詳治績

魯南公朱馬喇 滿洲鑲白旗都統一等阿思漢尼哈番順治三年從 肅王定蜀為

前鋒都統時獻賊餘孽未靖奮勇當先所在撲滅開拓疆宇大有造於西陲

南伊馬喇 朱馬喇弟官前鋒護衛賊黨趙雲貴圍保寧與戰連矢射賊死圍遂解康熙十

三年吳逆叛又以參領從征次廣元偽經畧王平藩授首以次廓清功最甚

巡撫四川杭愛 滿洲人康熙十九年巡撫四川時吳逆初平餘燼未絕撫綏流遺約



束軍士每冒暑至邛雅飛芻輸粟百姓賴以安集卒於官士民思之

巡撫四川姚締虞

字岱鹿湖北黃陂人順治己亥進士巡撫四川查勘田畝令民

自首糧賦戶口為之收觀善調劑民生利弊卒於官

巡撫四川噶爾圖

滿洲人康熙二十八年任四川巡撫查丈田畝募民墾闢流移

復業刊刻大學衍義頒發膠庠訓迪士子又節省驛站公帑修劍閣傾圮道路至今賴之

勇畧將軍趙良棟

字擊之陝西邊衛人康熙十八年奉討吳逆號令嚴肅賊莫敢

擾奮威將軍王進寶與賊將王平藩相持於保寧棟以偏師由陰平間道直抵成都賊眾奔潰

不旬日郡邑大定會進寶亦奏捷保寧棟遂乘勢收復全川蜀人德之卒諡忠襄

重慶鎮總兵韓成

詳治

提督學政周燦

字星公陝西臨潼人順治己亥進士督學四川嚴查優劣示勸懲十

皆向化有願學堂集

四川布政使郎廷相

字鈞衡遼東廣寧人康熙三年任川藩招撫流移廣行安

插措牛種勸諭耕鑿兵燹後各公署無存經營締造修理橋津舟楫建貢院黌宮社學悉不

民蒞任五載陞豫撫去

四川布政使高起龍

字霖蒼鑲白旗人康熙四十年任川藩檄州縣徵收錢糧

自封投櫃禁私派均承辦吏肅民懷陞貴州巡撫

巡按四川郝浴

字冰滌直隸定州進士順治八年以御史按蜀時巨寇劉文秀等踞

滇黔吳三桂專闖駐師保寧七年無功浴至劾其縱兵焚掠任私人蓄異志請奸狀無何三桂



敗駟退走漢中全蜀震動傳言賊旦夕至曾補  
行辛卯鄉試浴任監臨入關鎮靜安人心又一  
晝夜七馳檄曉以大義三桂始返旆浴授機宜  
乃固守既賊抵保寧勢甚張浴親歷行間激發  
忠義遂走捷兩  
川以次奠安

四川按察使劉德芳

字純菴遼陽人康熙四十一年任川臬獻決平允時按察

兼權茶鹽西爐甫定積引未疏芳籌畫徵收歲  
無停滯修葺文翁石室為錦江書院士欣然向

學卒於官

四川松茂道王隲

山東福山進士康熙十九年任松茂道時蜀甫定廣為招徠又

築都江堰堤以溥水利士民感戴

縣名宦祠

唐巴川令趙延之

宋巴川令沈省言

巴川令景希孟

按唐天寶元年改合州為巴川郡乾元元年復為

合州宋因之統漢初銅梁赤水石照巴川五縣元

至元閒併巴川入銅梁查巴縣在唐為渝州在宋

為巴縣無巴川之號趙沈景三位應歸銅梁名宦

前合州兼攝銅梁故亦祀之入巴縣祠誤

明知巴縣田子真

詳治績



知巴縣邢冕詳治績

知巴縣王愷詳治績

知巴縣弋諫詳治績

知巴縣段萬選詳忠義

府鄉賢祠

周將軍巴蔓子詳忠義

明吏部尚書贈太師諡忠定蹇義詳勲業

都察院右副都御史牟俸詳勲業

山西道御史劉規詳勲業

禮部尚書諡文簡劉春詳勲業

進階中順大夫隴州知州黃鉞詳勲業

陝西左叅政江玠詳勲業

雲南布政司叅政劉鶴年詳勲業

貴州巡撫劉彭年詳勲業

戶部員外郎李邦詳勲業

貴州巡撫任轍詳勲業

湖廣提學劉起宗詳勲業

雲南巡撫劉世曾詳勲業



蘇遼總督蹇達 詳勲業

湖廣巡撫趙可懷 詳勲業

秦州學正簡籍 詳文苑

湖廣布政司劉世賞 詳勲業

皇清江西巡撫劉如漢 詳勲業

縣鄉賢祠

周將軍巴蔓子 故里在今忠州巴邑應祀名宦

蜀漢中郎將署大司馬董和 詳勲業

晉尚書郎文立 按晉書立巴郡臨江人

宋承直郎母夢牛 詳勲業

湖北提刑使趙立 詳忠義

提點成都刑獄狀元馮時行 詳勲業

狀元蒲國寶 詳文苑

明吏部尚書贈太師諡忠定蹇義

遂安伯陳志 詳武勲

湖廣右布政使蹇賢 詳勲業

監察御史尹鉉 詳忠義

山東巡撫牟俸



翰林院侍讀學士江朝宗詳勳業

廣西巡撫賈爽詳勳業

福建左布政使蔣雲漢詳勳業

貴州按察使劉福詳忠義

都御史張禎叔詳勳業

僉事蹇霆詳勳業

山西道御史劉規

禮部尚書謚文簡榜眼劉春

雲南副使姚學禮詳勳業

刑部員外曹敕詳勳業

叅政施訓詳孝友

浙江巡撫張縉詳勳業

雲南布政使劉鶴年

戶部員外李邦

貴州巡撫任轍

湖廣巡撫趙可懷

戶科給事中曹汴詳勳業

宣大總督李文進詳勳業



湖廣提學副使劉啟宗

副都御史劉應箕詳勲業

雲南巡撫劉世曾

泰州學正簡籍

廣西按察副使王琬詳勲業

安化縣訓導王春詳文苑

湖廣左布政使劉世賞詳勲業

江西巡撫曹大埜詳勲業

東閣大學士王應熊詳文苑

解元劉綜詳文苑

監察御史汪言臣詳勲業

皇清江西巡撫劉如漢



禮樂

禮器

登一 鉶三十二 簠一百 簋同 籩四百零二 豆同

俎三十三 牲盤一百九十六 簠十八 白磁爵四

樂器

一 金鐘十六 玉磬十六 鼓一 搏拊二 祝一 敔

節二 羽籥三十六

祭品

登盛太羹 鉶盛和羹 簠盛黍稷 籩盛豆盛

芹菹 筍菹 棗栗榛菱芡白餅 黑餅 脾析豚拍俎盛牛羊豕 筐盛帛

太羹

煮肉汁不用鹽醬

和羹

鹽醬肉汁



黍稷稻粱

各揀完好  
淘洗潔淨

形鹽

乾淨白鹽  
印成虎形

鱈魚

預用白魚鹽醃曬乾  
臨祭祭溫水泡洗切段  
酒醋浸用

鹿脯

預以鹿肉曬脯  
臨祭煮熟切條

鹿醢

用鮮鹿肉切小方塊  
以滾水焯熟加鹽醋酒椒  
薑葱烹酢

醢醢

用猪脊肉  
製同前

魚醢

用鮮魚肉  
製同前

兔醢

用鮮兔肉  
製同前

韭菹

以韭切去本  
末用中四寸

菁菹

蔓菁摘洗  
淨切同前

芹菹

芹菜摘洗  
淨切同前

筍菹

不論乾鮮  
淨切同前

棗栗榛菱芡

不論乾鮮  
完好潔淨

白餅

白麵  
造

黑餅

蕎麵  
造

脾析

牛百葉細切  
湯熟鹽酒造

豚拍

猪肩  
上肉

牛羊豕

俱用壯  
純色



帛 正位用綾餘絹練  
白色長一丈八尺

陳設

正位中白磁爵三次登一太羹次簋一帛次俎三牛  
羊豕次香燭案登左簋二黍稷簋左銅一和羹銅  
左簋十形鹽鱮魚左棗栗榛菱次左茨鹿脯白餅  
黑餅登右簋二稻梁簋右銅一和羹銅右豆十韭  
菹醢醢右菁菹鹿醢芹菹兔醢次右筍菹魚醢脾  
析豚拍

配位東設西向二西設東向二白磁爵三簋一簋二  
俎二無牛銅二簋八無白餅黑餅豆八無脾析豚  
拍籩

十二哲東設西向六西設東向六白磁爵三銅一牲  
盤一豕首俎一無羊簋一簋一籩四無鱮魚榛菱

正殿酒尊共六正位一四配各一十二哲共一

東廡六十二位每二位一案共三十一案銅爵各一  
豕首一豕肉二酒尊三每案簋一簋一籩四豆四

西廡同

崇聖祠正位五案與四配同配位銅爵三豕首一豕  
肉一無豕餘與十二哲同從祀無豕首餘同兩廡

樂章

迎神樂奏咸平之章無舞

大上哉尺

至工 聖六峻五德上弘五功六敷五文六衍工化尺百

六王尺是四崇上典上則五有六常工昭上茲五

辟工籬六有六虔工簋上簋尺有工嚴六鼓尺鐘



初獻樂奏寧平之章作寧平舞

覺上我尺生工民尺陶工鑄六前五聖六巍五巍

六泰工山尺實上予尺景工行尺禮上備五樂六

和工豆上籩六惟五靜六既五述六六工經尺爰

五斟六三工正上

亞獻樂奏安平之章作安平舞

至上哉尺

聖工師六天五授六明工德尺木六鐸工萬五年六式

工是尺羣四辟上清上酒五維六醕工言上觀六

秉五翟六太上和尺常六流尺英五材六斯工植

上

終獻樂奏景平之章作景平舞

猗上歟六

素工玉上示工予六物五軌六瞻上之五在六前工神

六其尺寧四止上酌尺彼上金五鬯六惟上清五

且工旨六登六獻工惟五終六弗工遐尺有四喜

上



徹饌樂奏咸平之章與迎神同無舞

璧上水尺淵工淵尺崇六牙尺業四業上既五歌  
上

宣五聖六亦工儀六

十尺哲上聲尺金上振尺玉工告上茲六將五徹六

駿六假工有上成尺羹工牆六靡尺愒上

送神樂奏咸平之章無舞

煌上煌五學六宮工四上方尺來工宗尺甄上陶

五胄六子工暨六予工微尺躬上思工皇六多五

士六膚工奏尺厥四功上佐上予五冰六清工三

五五六是工隆上

舞譜

初獻作寧平舞

覺一舞

我二舞

生一別

民一扯

陶一召

鑄二召

前一揖

聖對面

巍兩舞

巍對面

泰一擺

山一灌

實一別

予二別

景一揖

行一擺

禮一舞

備二舞

樂一擺

和二擺



豆 對面一擺脚

籩 對面二擺脚

惟 一揖

靜 朝上

既 一別脚

述 二別脚

六 一手一提

經 一扯圈

爰 一擺手

斟 二擺手

三 三擺手

正 一叩頭

亞獻作安平舞

至 一舞

哉 二舞

聖 一別脚

師 一扯圈

天 一召

授 二召

明 一揖

德 一對面

木 兩舞

鐸 對面

萬 一擺脚

世 一灌耳

式 一別脚

是 二別脚

羣 一揖

辟 一拱手

清 一舞

酒 二舞

維 一擺脚

醕 二擺脚

言 對面一擺脚

觀 對面二擺脚

秉 一揖

翟 朝

太 一別脚

和 二別脚

常 一提脚

流 一扯圈

英 一擺手

材 二擺手

斯 三擺手

植 一叩頭

終獻作景平舞

倚 一舞

歟 二舞

素 一別脚

王 一扯圈

示 一看尖

予 二看尖

物 三看尖

軌 一蹲身

瞻 一背召

之 二背召

在 一別脚

前 一扯圈

神 一對面舞

其 二對面舞

寧 一揖

止 一拱手

酌 一看尖

彼 二看尖

金 一揖

罍 一扯圈



惟一召

清二召

且身一蹲

旨身二蹲

登手一擺

獻手二擺

既手三擺

終朝上

弗手一舒

遐手二舒

有三舒

喜頭一叩

執事俱於本學生員中派用預期示知先令演習其數量焉

通贊立堂階左主贊行禮之總名

鳴贊立堂階右與通贊對主唱跪叩三禮

引贊二人相對立於官前引導唱禮

捧帛預實帛於篚候唱跪進接生奠神前

迎神預執盃候唱灌地日降神神降

讀祝預書祝文浮牀版上讀跪官左

司尊預實尊酒候唱舉罍以勺酌之

執爵預滌爵候唱捧以授酒與捧帛同

盥洗掌匭槃巾悅候官滌爵拭手

陳設牲饌燈爐各案器依定位預為陳設

洒掃先期洒掃殿宇堂陛

司戶殿上戟門各一人候唱以司啟閉

監宰監看宰牲去角與蹄甲以入俎

造饌庶品如法燔炙制烹按圖擺設盤內

香燭預以香燭伺候臨祭點注爐臺

飲福一執酒一捧盤肉進於獻官仍接退

燔瘞候唱燔柴燎爐瘞毛血西北坎

徹饌祭前司啟各牲饌蓋唱徹稍為移動

舞生三十名

歌童四名俱在本地方童生中擇選教習歲給優免

儀注前二日各衙門設齋戒牌承祭分獻官各在署致齋二日不飲酒不食葱韭蒜薤不弔喪問疾

不聽樂理刑不判署刑殺文字不預穢惡事前二日執事官補服至犧牲所省牲今州縣俱用正祭

官前一日執事者舉祝案送致齋所承祭官視畢送至前後殿安設一跪三叩頭退前一日承祭官



率僚屬朝服上香監視宰牲併瘞毛血今俱用補服

正祭日主祭分獻陪祀各官入兩旁門序立後

通

唱 簽祝版引贊

更衣升堂

引各官從東階上

序爵序事請

祝請祝版至簽名

各官書名

下堂

從西階下通贊唱

啟戶

各門大開

樂舞

生就位執事者各司其事主祭官就位分獻官就

位陪祭官就位

文武東西

瘞毛血

司毛血生將毛血捧從中門出埋於西北

隅坎內

啟牲饌蓋舉迎神樂奏咸平之章樂作

引贊

詣西北隅迎神引眾神降復位

通贊

參神

鳴贊

跪

叩首

行三跪九叩禮

興平身

眾官俱立

樂止

通贊

行初獻禮舉

初獻樂奏寧平之章樂作詣盥洗所浴手淨巾詣

酒尊所司爵者舉幕酌酒陞壇

導承祭官由東階上入殿左門詣

至聖先師孔子神位前跪

行一跪一叩頭

興奠帛

捧帛生以帛拱舉立

獻案上

獻爵

執爵生以爵跪進承祭官接爵拱舉立獻正中

跪叩首

興

不詣

讀祝位跪

鳴贊

眾官皆跪

引贊

讀祝文

讀祝生至祝案前一

跪三叩捧祝版立於案左

跪讀祝

讀畢捧祝版至正位前跪安帛匣內三叩首退

引贊

叩興

承祭官及各官行三叩禮引贊

行分獻禮

引贊

詣復

聖顏子神位前跪叩興

行一跪一叩禮

奠帛

捧帛跪進於案左承祭官

接帛拱舉立獻案上

獻爵

執爵跪進於案左

跪叩首

行一跪一叩禮



興不詣宗聖曾子神位前奠帛獻爵如前儀詣述聖

子思子神位前如前儀詣亞聖孟子神位前如前儀

哲兩廡分獻官陞壇奠帛獻爵亦照承祭官行禮畢引贊唱復位承祭官從西門出西階下

分獻官各樂止通贊行亞獻禮舉亞獻樂奏安平

之章樂作引贊陞壇由東門入獻爵於左如初儀獻畢引贊唱復位承祭

官由西門出西階下及分獻官各復位立樂止通贊行終獻禮舉終獻

樂奏景平之章樂作引贊陞壇獻爵於右如亞獻儀畢復位

各復位立樂止通贊飲福受胙引贊詣飲福受胙位承祭

官至殿內立捧酒胙二人取正中一爵羊左一膊自正位案前拱舉至福胙位右旁跪接福胙二人

在左旁跪引贊唱跪飲福酒承祭官受爵拱舉授接曾執事受胙承祭官

舉授接胙執事由中門出正階下送獻官署叩興承祭官三叩首興復位通贊

謝神鳴贊跪興承祭分獻及陪祀各官俱行三跪九叩禮徹饌舉

徹饌樂奏咸平之章樂作牲饌稍為移動樂止通贊辭神

舉送神樂奏咸平之章樂作鳴贊跪叩首承祭分獻各陪

祀官俱行三跪九叩禮興樂止通贊送神引贊詣送神所衆

俱至戟門衆官打躬通贊捧祝帛饌各恭詣燎前捧祝

至各位前一跪三叩捧起祝在前帛次之饌生跪不叩捧起各送至燎所正位帛爵俱由中門承祭

官退至兩旁候祝帛饌過仍復位立通贊唱望瘞舉望瘞樂與送神同樂作



引贊 詣望瘞位舉柴焚祝帛祝帛焚半復位樂止通贊

闔戶鳴贊禮畢散班

啟聖祠儀注悉同前殿或在至聖之前致祭或分室一時同祭亦推子孫不先祖父之義也

名宦鄉賢二祠隨丁祭派官分獻儀如兩廡

### 至聖祝文

惟師德配天地道冠古今刪述六經垂憲萬世當仲稭謹以牲帛醴齊黍盛庶品式陳清薦以復聖顏子宗聖曾子述聖子思子亞聖孟子配尚享

### 崇聖祠祝文

惟神尼山毓秀盛德發祥篤生夫子萬勿字墻茲因仲稭謹以牲帛醴齊黍盛庶品式陳清薦以先

賢顏氏先賢曾氏先賢孔子先賢孟子孫氏配尚享

### 名宦祝文

卓哉羣公懋修厥職澤被生靈功垂社稷茲惟仲稭謹以牲醴用申常祭尚享

### 鄉賢祝文

於惟羣公孕秀茲邦懿德卓行奕世流芳茲惟仲稭謹以牲醴用申常祭尚享

按禮謹儀則樂備聲容煌哉祀典匪器弗成巴典禮攸行祭器缺若博士弟子有終身莫知其名者不備厥器備厥圖庶緣圖而器可漸備考經籍稽會典圖其器系以說烝我庶士博古遵時與道大



備斯圖之繪不愈於繪山川寫名勝累幅鋪張塗  
餘耳目者乎所有圖說附列於左

禮器圖

簠

簠黍稷圓器也廣韻  
內方外圓曰簠儀禮  
簠有蓋纂蓋四隅微  
稜起如雲狀通蓋重  
寸三勛高七寸深二  
寸濶八寸一分腹徑  
長一尺一分古用陶  
後世範金爲之




禮器圖



簋

簋外方內圓有虞氏敦夏璉商瑚周簠簋考工記族人為簋瓦簋即土簋也先儒云宗廟之簋用木天子飾以玉諸侯飾以象近制用銅儀禮敬簋會會蓋也象龜形通蓋重九觔高六寸七分深二寸八分濶五寸腹徑長七寸九分



籩

籩竹豆也口有藤緣形製如豆盛棗栗之屬口徑四寸九分通足高五寸九分足徑濶五寸一分上深寸有四分





豆

豆制不同夏揭豆殷玉豆  
 周獻豆又魯玉豆雕纂爾  
 雅及鄭氏說以木周禮旅  
 人說以瓦呂氏考古圖說  
 及政和近制以銅郊特牲  
 日鼎俎奇而籩豆偶陰陽  
 之義也籩豆之實水土之  
 品也高廣如籩式



登

登似豆而高大用薦太  
 羹詩曰于豆于登爾雅  
 疏木曰豆瓦曰登字從  
 夕卽肉從又卽手蓋以  
 手持祭肉于豆之意與  
 登降之登從火不同高  
 尺有四寸





銅

銅小鼎也用薦和羹  
 周禮亨人祭祀共太  
 羹銅羹儀禮疏據羹  
 在器謂銅羹據器言  
 謂銅鼎範銅為之三  
 足覆以蓋施三紐



雲雷尊


雲雷尊銅製紐以螭  
 首脰繪雲雷回旋狀  
 用貯初獻酒重六觔  
 四兩高九寸八分五  
 釐口徑六寸七分五  
 釐深七寸五分





象尊

象尊取形於象以明夏  
 德夏假也萬物之所由  
 化也範金爲之穴其背  
 覆以蓋受酒於腹瀉於  
 鼻貯亞獻酒重十觔通  
 足高六寸八分口徑寸  
 有八分耳濶寸二分長  
 寸有九分深四寸九分



犧尊

犧尊即獻尊周制也奠  
 作牛形詩犧尊將將禮  
 器犧尊疏布犧音娑取  
 犧牲享食之義貯終獻  
 酒範金爲之受酒同象  
 尊重九觔十兩通足高  
 六寸一分徑二寸四分  
 頭去足高八寸二分耳  
 高二寸一分五釐深二  
 寸七分






壺尊

壺尊尊作壺形脰飾  
饗餐腹著風雲示有  
節止而又施澤及時  
也夏商曰尊彝周制  
用亞重四觚一兩二  
錢尚八寸四分口徑  
四寸五分腹徑六寸  
深七寸一分



大尊

大尊大從泰有虞氏  
之制貴本尙質瓦尊  
也通足高八寸一分  
口徑五寸七分腹徑  
六寸一分足徑三寸  
八分深六寸五分





著尊

著尊無足而底著地明堂  
 位商尊也唐制先聖先師  
 每座犧尊象尊雲雷尊各  
 二今止設三尊闕里志釋  
 奠乃備六尊有壺尊大尊  
 著尊蓋周禮之舊歷代相  
 沿者也著尊範銅為之周  
 身雷紋重四觔十兩高八  
 寸四分五釐口徑四寸三  
 分腹徑六寸三分深八寸  
 二分



巾冪

巾冪用以覆尊絳帛  
 方幅為之中畫雲龍  
 旁繪文綵四角綴以  
 金錢十哲兩廡玄表  
 纁裏不繪雲龍幅方  
 尺有五寸






龍勺

勺所以酌酒而  
 注之爵者範金  
 爲之柄作龍首  
 身制也重一觔  
 口濶二寸一分  
 柄長尺二寸九  
 分



爵


爵以獻酒夏曰琖殷  
 曰斝周曰爵說文禮  
 器也象爵之形取其  
 鳴節節足也製用  
 銅重一觔八兩兩柱  
 三足有漆通柱高八  
 寸三分深三寸三分  
 日徑長六寸二分濶  
 二寸九分正殿爵以  
 磁色純白制如之






祝版

祝版木質粉塗高九寸濶尺有二寸架長尺三寸高二寸祝文用白紙楷書粘於木版之上便捧讀祭畢揭而焚之



俎



俎以盛牲斲木為之上有蓋下有跗明堂位周以房俎鄭注足下加跗也字從夂不從夂夂即肉也臨祭啟蓋以致潔誠朱其外中以黑長二尺八寸濶尺八寸五分兩端施鐵環蓋高四寸牲盤漆以黑方一尺高二寸





筐

筐盛帛通作匪象形也禹貢厥筐織文詩鹿鳴序實幣帛筐筐織竹爲之漆以朱方長有蓋通足高五寸長二尺有八分濶五寸二分深四寸蓋深二寸八分



盥

盥盥器周禮凡裸事沃盥盥臨祭之時疊以盛水盥而洗致肅恭也匱猶疊銅質畫饗餐雷文重八觔八兩通足高五寸七分口徑一尺三寸六分深二寸九分






洗

洗盛棄水銅為之高  
深如匭制兩旁有環  
中飾龜魚祭祀禮肅  
三獻三盥棄舊換新  
以洗盛之不欲其停  
汚於地也



樂器圖

麾



麾旌旗之屬周禮巾車建大麾以田歷代命協律郎執  
之以令樂工制以絳帛為之兩面繪螭前升後降輔以  
雲氣上下綴板上繪雲丁繪山懸以龍頭朱竿幅長十  
尺竿十有二尺朱架卓之起樂則舉舉則升螭見而樂  
作樂闋則偃偃則降螭見而樂止樂之起止視乎麾也





金鐘

金鐘十六枚謂之堵其懸橫曰龔縱曰簾八龔凡二層下龔起右首黃鐘次大呂次太簇次夾鐘次姑洗次仲呂次蕤賓次林鐘上龔起左首夷則次南呂次無射次應鐘次清黃鐘清大呂清太簇清夾鐘鑄以精銅形如甬長九寸圍尺八寸過身雷紋紐作夔龍輕重不齊以製之厚薄辨律之高下架上兩端施流蘇橫板刻崇牙直柱足作卧虎形

玉磬


玉磬亦十六枚爲堵鐘一堵磬一堵謂之肆取泗濱石琢製勾長六寸股長尺有二寸隅方象矩以磨之厚薄辨律之清濁架如鐘架足作存鵝形擊以堅木槌竹柄音律與鐘同凡擊先鐘音闕擊磬收之所謂金聲而玉振也






琴

琴材取桐梓漆以朱長三尺六寸六分濶六寸施七絃第一絃黃鍾律合字應左中指按右中指勾二絃太簇四字應左食指按右中指勾三絃林鍾尺字應左大指按右食指剔四絃七徽半仲呂上字應左無名指按右中指勾五絃南呂工字應左大指按右食指剔六絃黃鍾清律六字應左大指按右食指剔




瑟

瑟亦桐梓木斷繪雲雷龍鳳文長八尺一寸廣尺有八寸施二十五絃染以朱中黃外第一絃黃鍾律合字應右食指順勾凡鼓此字必與內第二絃六字並鼓清濁相應三絃太簇四字應右食指連勾六絃仲呂上字應右食指順勾七八絃林鍾尺字應右食指連勾九十絃南宮工字應右食指連勾內一絃黃鍾清律六字應左食指順勾餘十一絃與外絃音律指法同凡鼓四上凡工字外內絃並鼓取清濁相應也






排簫



排簫即鳳簫長短排次名排簫其形參差象鳳翼音和  
 鳴象鳳聲故亦名鳳簫片木為架卷屈如龍頭下垂當  
 其背鑿槽排管十有六修短合度每管一聲六律六呂  
 兼四清聲移唇吹之架用朱漆飾以銷金鸞鳳

笛

笛截紫竹為之長尺四寸七  
 孔上一大孔徑二分吹竅也  
 下六孔各徑分五釐頭安龍  
 首飾以金下垂絲縹第一孔  
 黃鍾清律六字應凡吹六字  
 下五孔皆閉第二孔南呂工  
 字應凡吹工字此孔與下四  
 孔皆開餘閉第三孔林鍾尺  
 字應凡吹尺字此孔與下第  
 二孔皆開餘閉第四孔仲呂  
 上字應凡吹上字下二孔皆  
 開餘閉第五孔太簇四字應  
 凡吹四字下一孔開餘閉第  
 六孔黃鍾合字應凡吹合字  
 六孔皆閉末一孔相應





篪

篪截竹爲笛長尺四寸圓五寸三分上一大孔徑三分下五孔徑二分橫而左吹音律與笛同輕氣吹之其聲乃和



簫


簫截竹爲之長尺九寸五分前五孔後一孔各徑一分五釐笛頭開半竅下垂絲絨縹結直吹之緩取其音悠揚不迫





笙

笙匏為巢覆以角鑽十九孔植紫竹管於孔施銅簧參差如鳥翼吹匏之端鼓舞其簧而發聲第一三七十一管皆南呂工字應凡工字以此四管用右大指及食指按餘孔皆開十二十五管林鍾尺字應凡尺字左食指按第二第十管仲呂上字應四八十一管太簇四字應二十四管黃鐘清律合字六字應凡吹合字必吹六字吹六字必吹合字清濁相合也



填賦成圍五寸半長三寸四分上尖下圓頂開吹口徑三分前三孔後二孔各徑二分餘以雲氣上孔平吹太簇四字應向上稍仰黃鐘合字應下五孔俱閉左中指與食指二孔仲呂上字應凡上字止開此孔餘閉左食指孔并左手二孔俱開林鍾尺字應後二孔左大指孔南呂工字應凡工字此孔與前三孔俱開右大指孔黃鐘清律六字應凡六字前後各孔俱開吹者以兩手無名指小指托其底輕取其聲和為佳





楹鼓

楹鼓朱漆綵繪長三尺五寸而濶二尺二寸柱穿其腰通高八尺頂

張黃

羅

蓋

銷金

雲花層簷四角

探出龍首垂流

蘇柱頂立鳳鳥柱


下跼足刻四狻猊

首爪向外凡樂作先

鼓以聲之連擊三通每通十二擊凡三十六擊三通畢


又從容三擊衆樂作每奏樂一句三擊以為節所謂五

聲非鼓不和也



搏拊


搏拊鞞革為之兩端張以薄皮長尺四寸五分八釐徑七寸二分九釐中實以糠周身繪花旁有二環繫紅絨繚施以托朱漆絲繪其用每奏樂一句聽楹鼓一擊拍以尾之三擊三拍初拍左手再拍右手三拍則兩手齊作以為之節







祝

祝製以桑木狀如  
斗上方二尺一寸  
八分七釐下一尺  
六寸九分零四毫  
深尺有八寸中虛  
有底以止擊之止  
即椎也柄高與心  
齊凡奏樂先以止  
撞底復擊左右共  
三聲以起樂




敵

敵刻木為之狀如伏  
虎長二尺一寸八分  
七釐高一尺背刻二  
十七齟齬用竹長二  
尺四寸析十二莖名  
曰藝櫟其背以止樂  
也





節



節引舞具用翠牛毛簇九就每就飾金爲頂以紅絨絲貫而聯之綴以結蕤竿長八尺五寸朱髹上安塗金龍首口啣寶蓋下垂紅纓朱架卓之俟舞生就列當舞時雙節前導行列綴兆執節立兩階以節其舞蓋樂之聲鼓以節之舞之容節以節之楚辭曰展詩兮會舞一律今合節舞用節緩急應節之意也

羽




羽修長雉尾古竝三羽束於柄今制止一羽柄長二尺漆以朱龍頭金飾周禮籥師掌教國子舞羽吹籥祭祀則鼓羽籥之舞五經通義文舞持羽毛武舞持于戚通曲樂在日曰容容藏於心難以貌觀故假于戚羽籥以表其容會典文廟用文舞生不設于戚



簫

簫長二尺穿三孔朱飾洞其中便貫羽也古韋簫今以竹爾雅大簫謂之產中曰仲小曰箛廣雅七孔毛氏六孔鄭康成云簫如笛三孔蓋舞具之有聲律者左手執簫右手秉羽簫以配羽用為文舞蓋文德聲教之象云



書籍

上諭 一部 二十六本

三朝寶訓 一部 十本

學政全書 一部 四本

學政條約 本一

頒示教官條約 本一

訓飭士子文 本一

周易折中 一部 十二本

尚書彙纂 一部 二十四本



詩經彙纂一部二十本

春秋彙纂一部二十本

三禮彙纂一部二十本

四書彙纂一部

十三經一部十二套一百一十七本

通鑑綱目一部八套八十本

二十一史一部史記二套二十本前漢二套二十四本後漢二套二十本晉書四套三十本

八本魏書二套二十四本隋書二套二十本唐書四套四十六本梁書一套八本陳書一套四本南齊一套十本北齊一套八本蜀志一套十二本宋史十二套一百二十四本南史二套二十本北史

三套三十本遼史一套八本金史二套二十本元史五套五十本共四十九套四百九十四本

明史一部四本

御纂朱子全書一部四本

大清律一部



大略新一節

蘇其來于全書一節

則史一節

元史正卷正七本共四十八本卷四百四十四本  
元史正卷正七本共四十八本卷四百四十四本

學校官

漢武帝詔天下郡國立學校官

元帝時郡國置五經百石倅史

平帝元始三年詔郡國曰學縣道迄侯國曰校校

學置經師一人鄉曰庠聚曰序序庠置孝經師一

人

後魏獻文帝天安初郡置博士二人助教二人後令

大郡置博士二人助教四人次郡博士二人助教

四人中郡博士一人助教二人下郡博士一人助



教一人

唐開元二十六年縣置博士助教各一人

宋乾興元年兗州守臣孫奭私建學聚生徒請本學

助教楊光輔充本州講從之

景祐四年詔藩鎮始立學

慶曆四年詔諸路州軍監各立學置教授以經術

行義訓導諸生掌其課試之事而糾正不如規者

或用兼官或舉士人委於漕司

熙寧六年始詔諸路學官兼委中書門下選差縣

置博士助教各一人則由漕司聘署

元縣置教諭一人又置直學一人掌錢穀教諭聽行

省及宣慰司劄付或命於禮部州曰教授始受職

朝廷

明縣置教諭二員訓導二員齋夫六人膳夫四人門

子六人學書一人

皇清仍明制裁訓導一員膳夫二人門子一人府教

授一員秩七品食全俸四十五兩以本省進士及

學正教諭俸滿者推補訓導一員以本省歲貢資



深者銓用秩八品食全俸四十兩每歲各支門斗  
 膳夫工食銀一十二兩 縣教諭一員以本省告  
 降舉人明通舉人恩拔副榜銓用訓導一員以本  
 省歲貢資深者銓用秩八品食全俸四十兩各領  
 門斗膳夫工食銀一十二兩

漢文帝詔舉茂才

武帝時始詔天下郡國置弟子員

後魏獻文帝初置郡學生六十人後令大郡置學生

百人次郡八十人中郡六十人下郡四十人

唐開元二十六年京都學生八十人大都督中都督

府上州各六十人下都督府中州各五十人下州

四十人京縣五十人上縣四十人中縣中下縣各

三十五人下縣二十人



元州縣學生額十五人其盛也至五十人食餼於學  
明洪武十五年令在京府縣生員六十人在外府學  
四十人州學三十人縣學二十人日給廩膳仍免  
差徭二丁

宣德中增廣員數如正額而不給廩膳謂之增廣  
生

正統十二年於廩膳增廣之外選俊秀附學肄業  
謂之附學生

皇清順治初生員無定額順治十二年額取大學四十

人中學二十五人小學十五人順治十六年額取  
大學十五人中學小學以次遞減後有加額

### 府學

廩膳生員四十名以歲科二試優等生員拔補歲  
取資深者充歲貢生一名額給餼糧銀三兩二錢  
遇閏加銀二錢六分

增廣生員四十名亦以歲科高等拔補  
歲試取進文生員二十名科試亦如之  
武生員歲試取進二十名



縣學

廩膳生二十名其拔補食餼與府學同開二歲取  
資深者充歲貢生

增廣生員二十名

歲試取進文生員十二名科試亦如之

武生員歲試取進十二名

賓興

生員鄉試有司於七月擇吉開宴鼓樂導送每名  
給花紅路費中式者樹旗送匾禮其廬中式舉人

每名給牌坊銀二十兩會試盤費原額設二十五

兩九錢會試中式較鄉試禮加隆今每名盤費止

額給銀四兩六錢



薛餘燧四兩六越

兩火錢會局中左神祿施蘇賦劉今後各書費

後各書費世賧二一兩會局益費氣賸婦二十

書院

來鳳書院 通志在府治右今無考

凝道書院 見明嘉靖中郡守劉繪傳墓址無考

縉雲書院 在縣學右建始無考乾隆三年知縣張兌和以地與縣城隍祠比隣且近市廛非讀書所併入渝州書院易其地為三忠祠

渝州書院 舊在治平寺後藏經閣左乾隆三年郡守李厚望捐修郡人龍為霖助構講堂五楹

東西廂房四間前廳五楹門樓二層厨房二間太史易簡作記學使華亭張仕遇題跋入藝文乾隆二十三年川東道宋邦綏以書院原係乾隆十三年門內洪崖坊育嬰堂改為書院捐銀一千四百兩買鄧姓房一所前後四層左右



廂房四向規制宏敞江光山色排闥清幽易其名曰東川書院以舊書院改為育嬰堂按書院生童向無膏火山長修金一百二十兩詳明重屬十三州縣公捐江北嘴魯班廟前每年地租銀三十兩四兩修葺書院墻壁房屋之用乾隆二十四年知縣王爾鑑詳准應解省充公私鹽變價銀三百四十兩留渝置買房田收租以資膏火緣銀少得租無幾未及置買乾隆二十五年知府書敏以通判及經歷署府監獄逼近白象街多火患俱令遷建於府署右靠山隙地即以前項私鹽變價銀三百四十兩為遷移之費所遺舊署空基南至豐瑞樓援時門北至府照壁計長四十六丈五尺東西進深與白象街市房後相毗連自二丈五尺及四丈六丈九丈不等佃蓋舖房每年收地租銀三百二十兩又府照壁北與白象街相連空基一段南至照壁北至新豐街大石坎計長二十五丈九寸進深一丈三尺及二丈二尺不等佃蓋舖房每年收地租銀一百一十四兩二共地租銀四百三十四

兩知縣王爾鑑通詳請入書院作生童膏火之費奉制軍批飭議覆准行立案以乾隆二十六年正月起租率以為常書院之有膏火自此始尚不足用應再籌畫



鄉飲酒

古制

鄉飲酒禮其義有四周禮司徒職云以三物教萬民而賓興之鄭立曰諸侯之鄉大夫正月吉

日受法於司徒而頒於鄉吏及三年大比而與其賢者能者以賓禮禮之獻於王庭此則賓賢能鄉

飲酒也又云五十者立侍六十者坐六十者三豆七十者四豆八十者五豆九十者六豆所以明養

老正齒位此則黨正飲酒亦謂之鄉飲酒又有卿大夫飲國中賢者酒亦用鄉飲酒禮故王制云

習射尚功習鄉尚齒竝鄉射黨正飲酒之法也周制鄉飲酒禮主人朝服就先生而謀賓介庶開元

禮主人戒賓立於賓大門外之西東面賓立東階下西面將命者受命於賓出立於門之東西面曰

敢請事主人曰某日行鄉飲酒之禮請某子臨將命者入告賓出立於門之東西面北向再拜毋辱

主人答拜主人曰吾子學優行高應茲觀國某日展禮請吾子臨之賓曰某固陋恐辱命敢辭主人



曰謀於父師少師莫若吾子賢敢固以請賓曰夫子申命之某敢不敬須主人再拜賓拜主人退賓拜送主人戒介亦如之鄉飲酒義曰主人拜賓於庠門之外入三揖而後至階三讓而後升所以致尊讓也盥洗揚觶所以致潔也拜至拜洗拜受拜送拜既所以致敬也尊讓則不爭潔敬則不慢不慢不爭則遠於鬪辯矣不鬪辯則無暴亂之禍矣斯君子之所以免於人禍也故聖人制之以道鄉人士君子樽於房戶之間賓主共之樽有立酒貴其質也教人不忘本也牲用狗烹於東方祖陽氣之發於東方也羞出東房主人共之也洗當東榮主人之所以自潔而以事實也水在洗東祖天地之左海也賓主象天地也介俛象陰陽也三賓象三光也讓之三也象月之三日成魄也四面之坐象四時也天地嚴凝之氣始於西南而盛於西北天地溫厚之氣始於東北而盛於東南主人尊賓故坐賓於西北而坐介於西南以輔賓賓者接人以義者也故坐於西北主人者接人以仁德厚者

也故坐於東南而坐俛於東北以輔主人也孔子曰吾觀於鄉而知王道之易易也飲酒之節朝不廢朝暮不廢暮春賓出主人拜送節文終遂焉知其能安燕而不亂也

明制

府州縣每歲正月十五日十月初一日於明倫堂行禮以正官為主位東南以禮致仕官員

為大賓位西北擇年高有德之人或三人或二人為候賓位東北以次長為介賓位西南以賓之次者為三賓位於賓介之後以教官為司正以老成生員贊禮前一日陳設坐次司正率執事習禮次日黎明宰牲具饌主人率僚屬司正先至遣人速客客至出迎於庠門外三讓三揖升堂拜訖就位司正至堂中北面立賓主皆立皆揖執事者酌酒於解以授司正司正舉酒曰恭惟朝廷率由舊章敦崇禮教舉行鄉飲非為飲食凡我長幼各相勸勉為臣盡忠為子盡孝長幼有序兄弟恭內睦宗親外和鄉里無或廢墜以忝所生讀畢司正飲酒畢以解授執事司正揖賓俛以下皆報揖司



正復位賓俱以下皆坐執事者舉律令案於堂中  
 賓主皆拱立讀者詣案北面讀律令畢復位執事  
 者舉饌案至客前主人獻賓薦脯醢設折俎賓酬  
 主人如之獻饌介饌介酬皆如之訖工入歌鼓瑟  
 歌鹿鳴飲酒供湯笙工歌四牡飲酒供湯工歌皇皇  
 者華飲酒供湯笙入笙奏南陔又奏白華又奏華  
 黍詩歌魚麗笙奏由庚歌南有嘉魚奏崇邱歌南  
 山有臺奏由儀於是合樂奏關雎鵲巢又奏葛覃  
 采芣又奏卷耳采蘋每詩先歌首章飲訖乃徹饌  
 賓主兩拜訖又賓饌介衆賓拜訖送賓三揖出庠  
 門而退

皇清

順治二年順天府詳查鄉飲酒禮舊制移送禮部  
 題請通行直省府州縣每歲舉行設賓饌介主酒

特諭

席於存留錢糧內支辦 雍正元年  
 鄉飲酒禮乃敬老尊賢之古制近聞年久視為具

文所備筵宴亦甚不堪應加謹舉行 乾隆二年  
 河南按察司隋人鵬奏請頒發儀注全圖議以所

舉人員開具事實履歷由府直隸州呈司查考咨  
 部備案各州縣所舉人員不得瞻徇濫舉致干議

例如有劣衿棍民鼓蕩唇吻誣讒良善者嚴法究  
 治定於紳士中年高德厚者一人為大賓士子中

一人為介賓庶人中數人為衆賓 乾隆十八年  
 陝西布政司張若震條奏鄉飲酒禮則例部議題

覆載入學政全書 乾隆二十五年禮部議奏直  
 省鄉飲每年舉行二次儒學州縣秉公選舉具詳

該管上司照京府例責成布政司核實報明督撫  
 存案如不得其人即詳明停止不得苟且塞責

儀注

凡鄉飲酒儀注京府及直省府州縣每歲正月  
 十五日十月初一日於儒學行鄉飲酒禮前一

日執事者於儒學之講堂依圖陳設坐次司正率  
 執事習禮至日黎明執事者宰牲具饌主席及僚

屬司正先詣學遣人速賓俱以下比至執事者先  
 報日賓至主席率僚屬出迎於庠門之外揖入主

居東賓居西三讓三揖而後升堂東西相向立贊  
 兩拜賓坐執事者又報日饌至主席又率僚屬出



迎揖讓升堂拜坐如前儀賓僎介至既就位執事者唱司正揚解執事者引司正由西階升詣堂中北向立執事者唱賓僎以下皆立唱揖司正揖賓僎以下皆揖執事者以觶酌酒授司正司正舉酒

曰恭惟

朝廷率由舊章敦崇禮教舉行鄉飲非為飲食凡我

長幼各相勸勉為臣盡忠為子盡孝長幼有序兄弟

友第恭內睦宗族外和鄉里無或廢墜以忝所生

讀畢執事者唱司正飲酒飲畢以觶授執事執事者唱揖司正揖賓僎以下皆揖司正復位賓僎以下皆坐唱讀律令執事者舉律令案於堂之中贊

禮引讀律令者詣案前北面立唱賓僎以下皆立

行揖禮如前讀畢復位執事者唱供饌案執事者舉饌案至賓前次僎次介次主三賓以下各以次

舉訖執事者唱獻賓主起席北面立執事對酒以授主主受爵詣賓前置於席稍退贊兩拜賓答拜訖執事又斟酒以授主主受爵詣僎前置於席交

拜如前儀畢主退復位執事者唱賓酬酒賓起僎從之執事者斟酒授賓賓受爵詣主前置於席稍退贊兩拜賓僎主交拜訖各就位坐執事者分左

右立介三賓衆賓以下以次斟酒於席訖執事者唱飲酒或三行或五行供湯又唱斟酒飲酒供湯

三品畢執事者唱徹饌候徹饌案訖唱賓僎以下皆行禮僎主僚屬居東賓介三賓衆賓居西贊兩拜訖唱送賓以次下堂分東西行仍三揖出屏門而退

主府知府州知州縣知縣如無正官佐貳官代位於東南大賓以致仕官為之位於西北僎賓擇鄉

里年高有德之人位於東北介以次長位於西南三賓以賓之次者為之位於賓主介僎之後除賓

僎外衆賓片齒列坐其僚屬則序爵司正以教職為之主揚觶以罰贊禮者以老成生員為之

律令

凡鄉飲酒禮序長幼論賢良別奸頑其坐席間而列其有違條犯法者不許干與良善之席違者罪以違制敢有誼譁失禮者揚觶者以禮責之



選舉

查乾隆九年十月知縣王忠武詳原任廣東潮州府知府龍為霖為大賓原任中江教諭周開

基為候賓原選灌縣訓導余天成為介賓老民黃連成為耆賓乾隆二十二年七月知縣王爾鑑詳

原任龍巖州州同周開豐為大賓潮州守龍為霖為候賓原任鹽源縣訓導劉作孚為介賓耆民呂

正王璧周蓋功  
李模為衆賓

鄉飲酒禮圖

三僎

二僎

一僎

僎

大賓

一賓

二賓

三賓

衆賓

西階

東階

衆賓



按周禮主人朝服就先生而謀介賓先生者古七十致仕老於鄉大夫曰父師士曰少師恒知里人之賢就而謀之也賢者爲賓其次次賓其次衆賓侯之爲義卽鄉之卿大夫來助主人樂觀賓儀者禮注稱或有或無或來或不來是侯本無常數有則備無則缺可耳賓主共罇以人臣卑不專大惠故不設別罇也牲用狗烹於東方以祖陽氣祖法也狗主擇人所以養賓陽氣長養萬物義周於老朝不廢朝既朝而飲也暮不廢暮先暮而罷也古

人制禮精詳所以感人心維風化典綦重矣

國家敬老尊賢鄉飲酒禮不惜三令五申而百餘年來舉行寥寥或亦司土者之慎於遴選寧缺毋濫之義歟



巴縣志卷之五 兵制  
 漢高帝前踵秦制置材官於郡國十一年發巴蜀材  
 王伐紂前歌後舞也又名巴渝舞  
 書巴師勇銳歌舞以凌殷人倒戈故世稱之曰武  
 周武王孟津之師庸蜀羗髡微盧彭濮來會著於尙  
 邑令王爾鑑熊峯纂修  
 邑人周開豐梅匡校閱  
 兵制志  
 古制 無考者闕  
 漢高帝前踵秦制置材官於郡國十一年發巴蜀材  
 王伐紂前歌後舞也又名巴渝舞  
 書巴師勇銳歌舞以凌殷人倒戈故世稱之曰武  
 周武王孟津之師庸蜀羗髡微盧彭濮來會著於尙  
 邑令王爾鑑熊峯纂修  
 邑人周開豐梅匡校閱  
 兵制志  
 古制 無考者闕

巴縣志卷之五

兵制

邑令王爾鑑熊峯纂修

邑人周開豐梅匡校閱

兵制志

古制

無考者闕

周武王孟津之師庸蜀羗髡微盧彭濮來會著於尙

書巴師勇銳歌舞以凌殷人倒戈故世稱之曰武

王伐紂前歌後舞也又名巴渝舞

漢高帝前踵秦制置材官於郡國十一年發巴蜀材



官衛軍灞上

光武建武五年公孫述據成都岑彭謀伐蜀留威虜將軍馮駿軍江州

蜀漢先主以江夏費瓘為太守領江州都督後又以

李嚴為都護

見華陽國志餘俱見通誌

宋太祖開寶八年設渝州懷化軍江津巴縣巡遏將

皆州縣調補戶下子弟客丁遇寇警責辦土戶

徽宗崇寧元年川峽置安遠軍四川路步兵之額

自開遠而下竝改曰克寧凡一百一十一指揮軍

一萬三千四百人故渝州為克寧軍指揮

元世祖三年平蜀後立萬戶府及千戶所以統軍士

遇方面有警則置行省樞密院以總之置重慶五

路守鎮萬戶府

成宗大德九年以行播州軍民使楊漢英為紹慶

彭水南平重慶等處沿邊宣尉司管軍萬戶佩虎符

明置都指揮使司以領衛所置總兵叅將遊擊守備

以司攻守又理以憲臣監以御史撫以都憲各衛

所官軍分番教閱大率以五千六百人為一衛一



千二百一十六人爲一千戶所一百一十二人爲  
一百戶所每一百戶所設總旗二人小旗一十人  
管領大小相維以成隊伍四川都司所屬二十一  
衛所原額軍十六萬三千六百三十六名有大征  
伐或量調各土司兵聽官兵頭領節制指使置重  
慶一衛五所及本府州縣又編民壯以時操演用  
備不虞

今制

皇清順治十五年設總督四川軍務部院一員駐劄重

慶康熙七年奉裁復設兼制川湖總督一員駐劄  
荊州府嗣奉裁復設陝川總督一員駐劄漢中府  
設重夔鎮總兵官一員駐劄夔州鎮標中左右三  
營遊擊三員守備三員設重慶城守副將一員左  
右兩營遊擊二員守備二員康熙十八年移重慶  
副將於夔州移駐總兵官於重慶爲重慶鎮鎮標  
中左右三營遊擊三員守備三員千總六員把總  
十二員外委十八員馬二步八額兵二千名雍正  
六年改馬一步九雍正十三年裁撥綏寧營馬步



兵丁二百名乾隆十七年移右營守備分駐巴縣  
 大庵於三營內撥兵七十名防守華瑩山乾隆二  
 十三年改右營遊擊為都司裁馬步兵丁五名現  
 在實存馬步戰守兵丁一千七百九十五名  
 官俸

總兵官一員 每年共支俸餉馬乾米折等項  
銀二千八十三兩七錢九分零

中營遊擊一員 每年共支俸餉馬乾米折等項  
銀六百七十九兩七錢二分零

左營遊擊一員 每年俸餉馬乾  
米折同中營

右營都司一員 每年共支俸餉馬乾米折等項  
銀四百四十二兩一塵四纖

中營守備一員 每年共支俸餉馬乾米折等項  
銀三百三十九兩四錢六分零

左營守備一員

右營守備一員 每年俸餉馬乾  
米折俱同中營

千總六員 每員每年應支俸餉馬乾米折等項銀一  
千零七十

七兩一錢零

把總十二員 每員每年應支俸餉馬乾米折等項銀  
一千七百六十

四兩六錢六分零

外委十八員 每員每年應支養廉戰糧一分餉米銀  
三百六十八兩

三錢三分四釐



兵餉

馬兵一百七十八名 每名每年支餉乾米折銀三十

銀六千三百七十一兩一錢五分四釐一忽六塵八纖

步戰兵七百一十八名 每名每年支餉米銀二十兩

四十六百九十二兩四錢三分四釐

守兵八百九十九名 每名每年支餉米銀十四兩八

錢三釐二纖共支銀一萬三千三百七兩八錢九分七釐一忽七微九塵八纖

以上馬步戰守兵丁共一千七百九十五名每年

共支銀三萬四千三百七十一兩四錢八分五釐

西二忽八微六塵六纖

營額

中營兵丁六百名 內馬兵六十名步戰兵二百四十

名守兵三百名除各官養廉公費一百零三名外實在差操兵丁四百九十七名內

分防各汛及馬塘水塘兵丁一百八十一名存城兵丁三百一十六名

左營兵丁六百名 內馬兵六十名步戰兵二百四十

名守兵三百名除各官養廉公費一百零三名外實在差操兵丁四百九十七名內

分防各汛及馬塘兵丁一百五十二名存城兵丁三百四十五名

右營兵丁五百九十五名 內馬兵五十八名步戰兵

二百三十八名守兵二百



九十九名除各官養廉公費九十八名外實在差  
操兵丁四百九十七名內分防各汛及馬塘兵丁  
一百六十七名存城  
兵丁三百三十名

塘汛

東路旱塘

三聖殿底塘十五里觀音舖二十五里尖  
山舖二十里沙坪舖俱左營每塘兵二名

三十里土沱三十里大灣三十里梅溪二十里張  
關俱右營每塘兵二名十里茶店子新設三營兵

三名二十里沙溪塘交長  
壽縣界長壽汛兵一名

南路旱塘

三聖殿十里南城坪二十里曹墳舖二十  
里苦竹舖二十里大窩舖二十里白節舖

交綦江縣界俱中  
營每塘兵二名

西路旱塘

三聖殿十里佛圖關十五里石橋舖十五  
里二郎關二十里白市驛十里鳳山舖十

里走馬岡交璧山縣界  
俱左營每塘兵二名

西北路旱塘

三聖殿十里佛圖關三十里白岩鎮二  
十五里金剛坡十五里高灘橋二十里

青木關二十五里溫湯驛二十五里楊家場二十  
五里青石鎮十里風埡塘交合州界俱右營每塘

兵二  
名

東路水塘

金紫門三十里唐家沱三十里海埡積俱  
右營每塘兵二名二十五里木洞四十里

落積交長壽縣界俱中  
營每塘長壽汛兵二名

西南水塘

珊瑚埡五十里釣魚嘴三十里甕埡  
沱交江津縣界俱左營每塘兵二名

西北水塘

朝天門三十里白岩中營兵二名三十里  
七孔子左營兵二名三十里土沱右營兵

二名三十里草街交合  
州界合州汛兵二名



哨船

東路朝天門唐家沱

本塘右營兵二名外增設哨船一隻舵夫一名水手二名

海堤積

本塘右營兵二名外增設哨船一隻舵夫一名水手二名

木洞

本塘中營長壽汛兵二名外原設哨船一隻舵夫一名水手二名

落磧

本塘中營長壽汛兵二名外增設哨船一隻舵夫一名水手二名

西路金紫門

中營原設哨船一隻舵夫一名水手二名

釣魚嘴

本塘左營兵二名外原設哨船一隻舵夫一名水手二名

襄堤沱

本塘左營兵二名增設哨船一隻舵夫一名水手二名

西北路魯班廟

乾隆二十五年新增左營水塘哨船一隻舵夫一名水手二名

七孔子

本塘左營兵二名外新增哨船一隻舵夫一名水手一名

草街子

本塘右營合州汛兵二名外新增哨船一隻舵夫一名水手一名

按金紫門釣魚嘴木洞原設哨船三隻魯班廟七

孔子草街子新增哨船三隻其塘兵及舵工水手

工食俱於本營兵餉內支給惟襄堤沱唐家沱海

堤積落磧係前次增設哨船三隻除各本塘兵二

名食本營兵餉外其舵工水手工食俱領鹽羨銀

兩支給再哨船三年小修每隻工料銀三兩八錢

三分六釐五毫五年大修每隻工料銀四兩九錢



一分二釐十年拆造每隻工料用舊船變價銀五錢

藩庫領銀七兩五錢

附錄重慶鎮所轄外營官兵餉數

夔州副將一員左營都司一員右營守備一員千總四員把總八員外委九員馬步戰守兵一千二百名原係提轄於乾隆七年改歸鎮轄乾隆八年抽撥步兵三十名歸併梁萬營管轄實兵一千一百七十名每年俸餉馬乾米折銀二萬二千二百七十四兩二錢五分零

巫山營原設遊擊一員守備一員千總二員把總一員額兵三百五十名於乾隆八年抽撥步兵二十名歸併梁萬營管轄八年又裁撥遊擊一員守備一員千總一員移駐阜和營以阜和營都司移駐巫山營現設都司一員千總一員把總一員外委三員實兵三百三十名每年共支俸餉馬乾米折銀六千二百四十一兩一錢五分零

梁萬營都司一員把總一員外委一員馬步戰守兵



巴縣志 卷之五  
二百名於乾隆八年抽撥夔協左右二營步兵三十名抽撥巫山營步兵二十名歸併管轄實兵二百五十名每年共支俸餉馬乾米折銀四千三百五十四兩三錢六分零

綏寧營原設遊擊一員守備一員千總二員把總四員外委六員額兵八百名於乾隆二年改設叅將乾隆十六年裁撥南坪營馬一步九兵一百名實兵七百名每年官兵俸餉等項共支銀一萬六千一百一十五兩八錢一分零

黔彭營原設遊擊一員守備一員千總二員把總四員額兵五百名於雍正十三年裁撥守備一員千總一員把總二員馬一步九兵二百名歸併綏寧營管轄該營遊擊改爲都司現設都司一員千總一員把總二員外委三員實兵三百名每年官俸兵餉等項共支銀五千六百八十六兩二錢三分零

忠州營原係水師遊擊守備嗣因遊擊奉裁歷年久遠於雍正十年將專營守備改爲都司現設都司



一員千總一員把總二員外委二員實兵二百五十名每年官俸兵餉等項共支銀四千五百七十六兩四錢七分零

按重慶雖居腹裏不近邊塞實爲東川扼要之區自古必爭之地唐楊師立以節度使叛重元明玉珍以質楚糧帝重明奢寅以應遼接僭號於重若張獻忠一入夔門先圖重慶使重慶能守則成都

有東壁藩籬未易窺也蓋地處三江之匯五路之衝貨殖叢集舟楫鱗比兼之石城天險四面巖巖進可戰而退可守故草竊者每多垂涎守土者貴嚴保障所賴鎮將得人內則簡閱士卒外則柔輯蠻獠無事皆有勇知方之士有警具敵愾禦侮之能且南控夜郎北聯閬漢東塞扞關西拱成都全蜀賴以乂安而奸宄無所施其覬覦則兵防之設有自來矣方今

王化覃敷蠻煙永靖正囊戈解甲之時但昇平日久人不見兵偶見則驚兵不遇敵猝遇則怯人情大抵然也兵可百年不用不可一日不備安不忘危治



不忘亂徹桑未雨之計在司事者留意焉

漢書地理志曰巴東郡在東吳之西  
 其地險峻水陸交通商賈輻輳  
 故曰巴東也  
 其地又曰巴東郡在東吳之西  
 其地險峻水陸交通商賈輻輳  
 故曰巴東也



